



ЎЗБЕКИСТОН – АҚШ: СТРАТЕГИК ШЕРИКЛИКНИНГ ЯНГИ ДАВРИ

Аввал хабар қилинганидек, Ўзбекистон Республикаси Президенти Шавкат Мирзиёев Америка Қўшма Штатлари Президенти Дональд Трампнинг таклифига биноан 2018 йил 15 — 17 май кунлари расмий ташриф билан ушбу мамлакатда бўлди.



16 май куни Оқ уй қарор-гоҳида давлат раҳбарларининг учрашуви бўлиб ўтди. Музокараларда Ўзбекистон — АҚШ ҳамкорлигининг бугунги ҳолати ва уни ривожлантириш истиқболлари муҳокама қилинди. Халқаро ва минтақавий аҳамиятга молик долзарб масалалар юзасидан фикр алмашилди.

Музокаралар якунида давлат раҳбарларининг “Ўзбекистон ва Америка Қўшма Штатлари: стратегик шериклик янги даврнинг бошланиши” деб номланган Қўшма баёноти қабул қилинди. Турли соҳалардаги ўзаро муносабатларни янада мустаҳкамлашга қаратилган ҳужжатлар тўплами имзоланди.

Жумладан, энергетика, икки томонлама савдо муносабатларини кенгайтириш, олий таълим ва академик тадқиқотлар, қишлоқ хўжалиги соҳасида ҳамкорлик бўйича ахдлашув протоколлари қабул қилинди. Ўзбекистоннинг Жаҳон савдо ташкилотига аъзо бўлиши ҳамда 2018 йилда Тошкентда Марказий Осиё савдо форумини ўтказиш-

да ҳамкорлик тўғрисидаги англашув меморандумларини имзоланди. Шунингдек, Ўзбекистон Ташқи иқтисодий фаолият миллий банки билан АҚШ Экспорт-импорт банки ўртасида қўшма лойиҳаларни молиялаштириш тўғрисида меморандум қабул қилинди. Бу қелишувлар икки мамлакат ўртасидаги алоқаларнинг тарихий аҳамиятга молик янги даврини бошлаб бериши шубҳасиз.

Ўзбекистон делегациясининг АҚШга ташрифи муносабати билан “Виллард интерконтинентал” меҳмон-хонасида ташкил этилган қабул маросимида Шавкат Мирзиёев Дональд Трамп билан мулоқот ўзаро ишонч ва ҳурмат, бир-бирининг манфаатларини ҳисобга олиш тамойиллари асосида ўтганини алоҳида таъкидлади. “Биз бу тарихий ташрифни кейинги икки йилда мисли кўрилмаган суръатлар билан ривожландиришга қаратилган бўлаётган Ўзбекистон — АҚШ ҳамкорлигининг мантикий давоми, деб биламиз. Гарчи мамлакатларимиз географик нуқтаи

назардан бир-биридан олис бўлса-да, меҳнатсеварлик, бағрикенглик ва ватанпарварлик каби қадриятлар халқларимизни бирлаштириб туради”, деди давлатимиз раҳбари.

Шавкат Мирзиёев Ўзбекистон тарихи ва маданиятини чуқур ўрганиб, бутун дунёда кенг тарғиб этаётган Фредерик Старр ва бошқа америкалик олимларга ташаккур изҳор этди.

Тадбирда ўзбек маком санъатини ривожлантириш, халқимизнинг бой маданий меросини дунёда тарғиб этишга қўшган ҳиссаси учун маком ансамблининг собиқ хонандаси Изро Малаковга “Ўзбекистон Республикаси халқ артисти” фахрий унвони берилгани эълон қилинди. Изро Малаков бундай юксак эътибор учун Президентимизга миннатдорлик билдирди.

Ташрифнинг учинчи куни ҳам учрашув, музокара ва тадбирларга бой бўлди.

Давлатимиз раҳбари АҚШ Давлат котиби Майкл Помпео билан учрашди.

Учрашувда Ўзбекистон Президентининг расмий ташрифи икки мамлакат

манфаатларига хизмат қилиши қайд этилди. Мамлакатларимиз ўртасидаги муносабатларни янада мустаҳкамлаш, ташқи сиёсат маҳкамалари алоқаларини фаоллаштириш масалалари муҳокама қилинди.

Давлатимиз раҳбари Шавкат Мирзиёев Пентагонда АҚШ мудофаа вазири Жеймс Мэттис билан музокара олиб борди.

Президентимиз ташқи сиёсатимиздаги очиклик ва яхши кўшничлик принцип-ларига асосланиб, Ватанимиз суверенитети ва мустақиллигини мустаҳкамлаш мақсадида мамлакатимизнинг янги Мудофаа доктринаси қабул қилингани, халқ артисти” фахрий унвони берилгани эълон қилинди. Изро Малаков бундай юксак эътибор учун Президентимизга миннатдорлик билдирди.

Ўзбекистон бу соҳада Америка Қўшма Штатлари билан тажриба алмашиш, ҳарбий, ҳарбий-техникавий, мудофаа ва хавфсизлик йўналишларида ҳамкорлик қилишдан манфаатдор, деди Шавкат Мирзиёев.

АҚШ мудофаа вазири

Ўзбекистон минтақада муҳим геостратегик аҳамиятга эга давлат эканини таъкидлади.

Ўзбекистоннинг очик ва конструктив ташқи сиёсати натижасида Марказий Осиёда яхши кўшничлик муҳити яратилди. Афғонистон Президенти Ашраф Ғани билан мулоқотларингиз, Афғонистон ишлари бўйича махсус вакил тайинлаганингиз муҳим аҳамиятга эга. Расмий ташрифингиз доирасида қабул қилинган беш йилга мўлжалланган ҳарбий ҳамкорлик режаси минтақада тинчлик ва хавфсизликни мустаҳкамлашга хизмат қилади, деди Жеймс Мэттис.

Учрашувда мудофаа ва хавфсизлик, ҳарбий ва ҳарбий-техникавий ҳамкорлик соҳаларидаги муносабатларни ривожлантириш юзасидан фикр алмашилди.

Давлатимиз раҳбари Капитолийда АҚШ Конгресси Вакиллар палатаси аъзоси Трент Келли бошчилигидаги конгрессменлар билан учрашди. Мулоқотда икки мамлакат ўртасида ўзаро ишонч ва манфаатдорликка асосланган муносабатлар қарор толгани қайд этилди. Парламентлараро алоқаларни янада ривожлантириш масалалари муҳокама қилинди.

Президентимиз парламент ва ҳукумат даражасидаги икки томонлама ташрифлар фаоллашгани сиёсий, ижтимоий-иқтисодий соҳаларда ҳамкорликни янада мустаҳкамлашга хизмат қилаётганини таъкидлади.

Ўзбекистон Президенти Шавкат Мирзиёев АҚШ Сенати Раиси ўринбосари, молия бўйича қўмитаси раиси Оррин Хэтч бошчилигидаги сенаторлар билан мулоқот қилди. Сўхбатда парламентлараро алоқалар, шунингдек, савдо-иқтисодий ва инвестициявий ҳамкорлигини бугунги ҳолати ва истиқболлари юзасидан фикр алмашилди.

Мамлакатимиз раҳбарининг АҚШга расмий ташрифи дастуридан ўрин олган мазкур учрашув стратегик шериклик муносабатларини янада ривожлантириш, икки мамлакат парламентлари ўртасидаги ҳамкорликни мустаҳкамлашга хизмат қилиши қайд этилди.

Ўзбекистон Республикаси Президенти Шавкат Мирзиёев АҚШ Сенати Раиси ўринбосари, молия бўйича қўмитаси раиси Оррин Хэтч бошчилигидаги сенаторлар билан мулоқот қилди. Сўхбатда парламентлараро алоқалар, шунингдек, савдо-иқтисодий ва инвестициявий ҳамкорлигини бугунги ҳолати ва истиқболлари юзасидан фикр алмашилди.

Мамлакатимиз раҳбарининг АҚШга расмий ташрифи дастуридан ўрин олган мазкур учрашув стратегик шериклик муносабатларини янада ривожлантириш, икки мамлакат парламентлари ўртасидаги ҳамкорликни мустаҳкамлашга хизмат қилиши қайд этилди.

Ўзбекистон Республикаси Президенти Шавкат

Мирзиёев шу куни Жаҳон банки президенти Жим Ёнг Ким билан учрашди.

Давлатимиз раҳбари узоқ йиллардан буён Жаҳон банкида ишлаётган юртдошларимиз билан кўришди.

Бугунги кунда Ўзбекистон билан мазкур банк ўртасидаги ҳамкорлик энергетика, ирригация ва коммунал тармоқларни модернизация қилиш, транспорт ва ижтимоий инфратузилмани ривожлантириш, қишлоқ хўжалиги маҳсулотларини қайта ишлаш соҳаларини қамраб олган. 2020 йилгача ҳамкорлик бўйича қўшма дастурга 27 та муҳим лойиҳа киритилган. Уларнинг умумий қиймати 4 миллиард доллардан иборат бўлиб, унинг 3 миллиард доллари Жаҳон банки кредитларидир.

Давлатимиз раҳбари Ўзбекистонда амалга оширилаётган йирик иқтисодий лойиҳаларда Жаҳон банки билан ҳамкорлик юксак самара бераётганини қайд этди. Ўзбекистон Жаҳон банки билан ҳамкорликни янада ривожлантириш тарафдори эканини таъкидлади.

Учрашувда истиқболли лойиҳалар кўриб чиқилиб, амалий алоқаларни янада кенгайтириш бўйича аниқ таклифлар билдирилди. Боғдорчиликни ривожлантириш, шошилинч тиббий ёрдам тизимини такомиллаштириш, саноат корхоналарининг энергия тежамкорлигини ошириш, иситиш тармоқларини модернизация қилиш, молиявий консултация хизмат кўрсатиш каби соҳаларга оид битимлар имзоланди.


Шу билан Ўзбекистон Республикаси Президенти Шавкат Мирзиёевнинг АҚШга расмий ташрифи якунига етди. Ўзаро муносабатлардаги тарихий воқеа бўлган ушбу ташриф ҳамкорлиқни янги поғонага кўтариши шубҳасиз.

Абу Бакр ЎРОЗОВ,
ЎЗА махсус мухбири.
Тошкент — Вашингтон — Тошкент.

СУРАТДА: Ўзбекистон Республикаси Президенти Шавкат Мирзиёев ва Америка Қўшма Штатлари мудофаа вазири Жеймс Мэттис.

Ўзбекистон Республикаси Президенти Матбуот хизмати сурати.

ПРЕЗИДЕНТ ДОНАЛЬД ТРАМПНИНГ ЎЗБЕКИСТОН ПРЕЗИДЕНТИНИНГ АҚШГА РАСМИЙ ТАШРИФИ МУНОСАБАТИ БИЛАН ТАШКИЛ ЭТИЛГАН ҚАБУЛ МАРОСИМИ ИШТИРОКЧИЛАРИГА МУРОЖААТИ



**ОҚ УЙ
ВАШИНГТОН
2018 йил 16 май**

Бугунги оқшомда Президент Шавкат Мирзиёев ва унинг рафиқаси Зироатхон Мирзиёева меҳмонлик қилаётган қабул маросими иштирокчиларига ўз саломларини йўллайман.

Америка халқи номидан Президент Мирзиёевга Оқ уйга тарихий ташрифи учун миннатдорлик билдираман. Марказий Осиёда анчайин мураккаб вазият юзага келаётган, ҳамкорлик учун янги имкониятлар пайдо бўлаётган бир пайтда бугунги мулоқотимиз стратегик шериклигимизни янгилашга ёрдам берди. Минтақадаги таъминот йўллари қўллаб-қувватлаш ва Афғонистон билан алоқаларни яхшилашга хизмат қиладиган иқтисодий лойиҳаларни сармоялаш борасидаги саъй-ҳаракатлари учун Президент Мирзиёевга ҳурмат-эҳтиромимни изҳор қиламан.

Президент Мирзиёев мени ишонтириб таъкидладики, Ўзбекистонда ишлаб чиқилган ислохотлар дастури бардавом ва муқаррардир. Аминманки, Президентнинг инсон ҳуқуқларини ҳимоя қилишга қаратаётган эътибори халқ ҳаётининг янада обод ва фаровон бўлишига хизмат қилади. Биз биргаликдаги саъй-ҳаракатларимиз билан Ўзбекистонда ҳисобдорлик ва шаффофлик масалалари янада яхшиланишига эриша оламиз. Бу эса Америка компанияларининг фаолияти учун мустаҳкам замин ҳозирлаб, мамлакатларимизда бандлик даражасини оширишга ёрдам беради.

Мелания ва мен Президент Мирзиёев ва Биринчи хоним Зироатхон Мирзиёевга Америка Қўшма Штатларига унутилмас ташрифи учун чин дилдан миннатдорлик билдираман. Ишонаманки, сифат жиҳатидан янги поғонага кўтарилган ҳамкорлигимиз икки мамлакат порлоқ келажагининг муқаддимаси, ҳолос.

Эксклюзив интервью

Изро МАЛАКОВ:

Ўзбекистон Президенти ва ўзбек халқидан чексиз миннатдорман

Ўзбекистон делегациясининг Америка Қўшма Штатларида расмий ташрифи муносабати билан “Виллард интерконтинентал” меҳмонхонасида уюштирилган учрашувда эътиборли воқеа рўй берди.

Гап шундаки, кўп йиллик самарали ижоди, ўзбек маком санъатини ривожлантириш, халқимизнинг бой маданий меросини дунёда тарғиб этишга қўшган ҳиссаси учун маком ансамблининг собиқ хонандаси Изро Малаков “Ўзбекистон Республикаси халқ артисти” фахрий унвони билан тақдирланди.

Вашингтонда хизмат сафарига бўлиб турган махсус мухбиримиз Шавкат Ортиқов халқимизнинг сеvimли хонандаси Изро Малаковдан эксклюзив

интервью олиб, унинг дил сўзларини биз билан ўртоқлашди:

— “Ўзбекистон Республикаси халқ артисти” фахрий унвони билан тақдирланганим ҳаётимдаги энг қувончли воқеалардан бири бўлди. Тўғриси, ушбу нуфузли анжуманга таклиф қилишганида менга бундай эътибор ва гамхўрлик кўрсатилади, деб ўйламаган эдим. Ҳозир ҳаяжонимни сўз билан таърифлашга ожизман.

Дональд Трамп:

«МЕН УЧУН ЎЗБЕКИСТОН ЕТАКЧИСИ БИЛАН УЧРАШИШ КАТТА ШАРАФДИР. У ЎЗ МАМЛАКАТИДА ХАМ, УНИНГ ТАШҚАРИСИДА ХАМ КАТТА ҲУРМАТ-ЭЪТИБОР ҚОЗОНГАН»

Ўзбекистон Республикаси Президенти Шавкат Мирзиёевнинг Америка Қўшма Штатларида расмий ташрифи ва Вашингтонда бўлиб ўтган икки томонлама музокаралар АҚШ оммавий ахборот воситаларининг катта қизиқиши ҳамда диққат-эътиборида бўлди.

Дунё нигоҳи

Хусусан, Президентлар Шавкат Мирзиёев ва Дональд Трамп учрашуви ҳақидаги илк хабарни “Associated Press” ахборот агентлиги тарқатди. Агентлик материалларида



таъкидланганидек, бу Ўзбекистон раҳбарининг АҚШга илк расмий ташрифидир.

“Шавкат Мирзиёев 33 миллионга яқин аҳоли яшайдиган мамлакатда либераллашув жараёнини йўлга қўйди. Президент ўтмиш сарқитларини улоқтириб ташлаб, сиёсий маҳбустларни озод этди, хорижий валютани алмаштиришга чекловларни бекор қилди, мажбурий меҳнат амалиётига чек қўйди. Ҳукумат таркибида ҳам жиддий ўзгаришларга қўл урилди: эски амалдорлар ўрнини замонавий фикрлайдиган менежерлар эгаллади”, дейилади “Associated Press” тарқатган мақолада.

Нуфузли “The New York Times” газетаси мухбирла-

Фуқаролар ҳуқуқ ва эркинликларининг мустаҳкам ҳимояси йўлида яна бир қадам

Тарих тажрибаси шундай: қонун устуворлиги ва суд ҳокимияти-нинг том маънодаги мустақиллигини таъминламасдан туриб, давлатни ривожлантиришнинг имкони йўқ. Кейинги йилларда мамлакатимизда суд-ҳуқуқ соҳасини тубдан тақомиллаштириш ишлари жадал олиб борилмоқда. Суд ҳокимиятининг мустақилли-гини таъминлаш, инсон ҳуқуқ ҳамда эркинликларини муҳофаза этиш, суд-ҳуқуқ тизимини мустақил институтга айлантириш бўйича катта ишлар амалга оширилди.

СЕНАТОР МУШОҲАДАСИ

Бу жараёнда фуқароларнинг кон-ституцийвий ҳуқуқлари ва манфаатла-рини ишончли ҳимоя қила оладиган соҳа — адвокатура тизими ҳам эътибордан четда қолётгани йўқ. Суд-ҳуқуқ тизимидаги ислохотлар-нинг муҳим таркибий қисми сифати-да адвокатуранинг роли ҳамда аҳами-ятини кучайтириш ва мустаҳкамлаш мақсадида 2018 йил 12 май куни “Адвокатура институти самарадорли-гини тубдан ошириш ва адвокатлар-нинг мустақиллигини кенгайтириш чора-тадбирлари тўғрисида”ги Президент Фармони қабул қилини-ши фикримиз далилидир.

Мазкур Фармонда бүгунги кун адвокатурасининг ҳолати кўрсатилиб, унинг олдидаги муаммолар бирма-бир санаб ўтилди. Бу бежиз эмас, албатта. Сабаби, ҳозирги кунда су-риштирув ҳамда тергов органлари-нинг айрим ходимлари томонидан адвокатларнинг ўз ҳимояси остидаги шахслар олдида қирғишга юзаси важ-лар билан тўқсинлик қилишлари, бун-дай ҳолатларда адвокатлар томони-дан зарур қонуний чоралар кўриш механизми йўқлиги ҳеч кимга сир эмас эди. Қолаверса, адвокатларнинг турли ташкилотларга йўллаётган сўровлари кўп ҳолларда давлат органларининг мансабдор шахслари

томонидан эътиборсиз қолдирилар-ди. Ўзбекистон Республикаси Адвокатлар палатасининг роли пасайиб, адвокатларни етарли дара-жада муҳофаза эта олмаётгани, адвокатлик тузилмалари, юридик хизматлар кўрсатиш бозорида рақо-батнинг ривожланмагани, адвокатлик лицензиясининг амал қилишини тўхтатиб туриш ва тугатиш масала-ларини кўриб чиқишда салмоқли маъмурий таъсир кўрсатишга йўл қўйилаётгани, натижада адвокатура-нинг эркинлиги, мустақиллигига путур етказилаётгани соҳани замон талаб-ларига мос тарзда шакллантириш заруратини юзага келтираётган эди.

Президентимиз Фармонида мазкур муаммоларни бартараф этиш-га қаратилган бир қатор янгилıklar жорий қилинди. Жумладан, шу йил-нинг 1 июлидан бошлаб адвокат ни-золарни судгача ҳал этиш, томонлар-ни яраштириш бўйича чоралар кўриш, шунингдек, ҳакамлик судьяси сифа-тида фаолият юритиш ҳуқуқига эга бўлиши мумкинлиги белгилаб қўйил-ди. Адвокатлик фаолияти билан шу-ғулланиш ҳуқуқини берувчи лицензия-ни олиш учун адвокатлик тузилмаси-да мажбурий стажировка ўтash муд-дати олти ойдан уч ойга қисқарти-рилди. Илгари давлат органлари

ҳамда ташкилотларининг юридик хизмати ходимлари ва судья, тергов-чи ёки прокурор лавозимида камида уч йил фаолият юритган шахслар мажбурий стажировкадан озод қилинишлари белгиланди. Шунинг-дек, лицензияни тугатиш учун асос бўладиган, адвокат томонидан узрли сабабларсиз ўз касб мажбуриятла-рини бажармаслик муддати амалда-ги уч ойдан олти ойга узайтирилади. Фармонда адвокатларнинг ўз ҳимоя-си остидаги шахслар билан аудио ҳамда видеокузатув қурилмалари бўлмаган махсус хоналарда ва бегона шахсларнинг иштирокисиз ўз вақти-да ҳамда ҳеч қандай тўсиқларсиз учрашиши таъминланиши белги-ланиши адвокат ва унинг ҳимояси остидаги шахсининг сирлари ошкор бўлишини истисно этади.

Аваллари адвокатларга суд би-носига ташкилий техника воситала-ри олиб қилишишга фақат суд раи-си рухсати билангина йўл қўйилар, аксарият ҳолларда суд раислари тур-ли баҳоналар билан бундай қурил-малар олиб қилишишга монелик қилар эди. Давлатимиз раҳбарининг ушбу Фармони билан адвокатларга суд биносига компьютер, мобил-е ҳамда бошқа алоқа воситаларини мо-неликсиз олиб кириш ҳуқуқи берил-ган уларнинг меҳнатини янада ен-гиллаштириш билан бир қаторда, судларда ҳақиқий тортишувлик прин-ципида риоя этилиши, қонун устувор-лиги таъминланиши ва ҳақиқий қон-уний ҳимоя амалга оширилишига кенг йўл очиб беради. Бунда адвокат фақатгина битта талабга риоя қили-ши шарт — қайд этилган қурилма-лардан суд биноси ичкарисидан фойдаланиш суд жараёнини ўтказиш тартибини бузмаслиги керак.

Яна бир муҳим янгилик. Фармон билан адвокат сўровларига жавоб бериш муддатлари қатъий белгилаб қўйилди. Унга кўра, сўровномага у олинган кундан эътиборан кўпи билан ўн беш кун муддатда жавоб берили-ши шарт. Адвокат сўровига биноан маълумотларни ўз вақтида тақдим қилмаслик, ёлғон ёки нотўғри маълумотларни тақдим этишда айб-дор мансабдор шахслар адвокатнинг судга тўридан-тўғри мурожаатига асосан, белгиланган тартибда маъмурий жавобгарликка тортилади. Бу эса адвокат сўровномаларининг сўзсиз бажарилишини таъминлайди.

Илгириги тартиб бўйича адвокат-лик бюроларини ўзлари жойлашган бинони тураржойлар тоифасидан но-тураржойлар тоифасига ўтказишлар-и шарт эди. Бу ҳолат ҳам адвокату-ра фаолиятининг ривожланишига салбий таъсир ўтказиб, адвокатлик тузилмаларига монелик қилиш воси-таларидан бири эди. Фармон билан адвокатлик бюроси ўз фаолиятини ўзига тегишли бўлган тураржойда амалга ошириш мумкинлиги, ушбу тураржойни нотураржой тоифасига ўтказиш талаб этилмаслиги белги-лангани ҳам ута муҳим аҳамиятга эга.

Хулоса ўрнида айтганда, Президентимизнинг мазкур Фармони суд-ҳуқуқ тизимидаги ислохотларни чуқурлаштириш, адвокатура тизими-ни янада ривожлантириш, адвокат-ларнинг ролини кучайтириш, пирова-ридада қонун устуворлигини таъминлаш, фуқароларнинг консти-туцион ҳуқуқ ҳамда эркинликларини мустаҳкам ҳимоя қилиш борасида муҳим қадамлардан бири бўлди.

Комилхон КАВЛОНОВ,
Ўзбекистон Республикаси
Олий Мажлиси Сенати аъзоси.



Аънанавий “Умид ниҳоллари” спорт мусобақаларининг Бухоро вилояти босқичидан Ғиждувон тумани вакиллари Президент совғаси — “Damas” русумли авто-машина билан қайтдилар. Улар умумжамоа ҳисобида биринчи ўринни қўлга киритиб, ана шундай эъзозга муносиб кўрилдилар.

кураши, белбоғли кураш, ўзбек жанг санъати қатори-да миллий курашнинг ҳам ўрин олгани айни мuddао бўлди. — дейди Ўзбекистон Кураш федерацияси вилоят бўлинимаси ижрочи директо-ри С. Умаров. — Биз “Умид ниҳоллари”да кўплаб ис-теъдодли ёш полвонларни кашф қилдик. Бу эса кура-

Ёшлик ва спорт байрами

Умумтаълим мактаблари ўқувчилари ўртасида ўтказил-ган бу балги мусобақаларда юқори синф ўқувчиларининг ҳам иштирок этишгани бел-

лашувларнинг янада муроса-сиз ва кескин баҳслар ости-да кечишини таъминлади. — Бу йилги спорт ўйин-лари дастуридан турон якка-

шимизнинг эртаси порлок-лигидан далолат беради. Тадбирда намоиш этил-ган концерт дастури дил-ларга завқу шавқ улашди.



Жомибек ҚУЗИМУРДОВ (ўса) олган сурат.

Термиз шаҳрида “Умид ниҳоллари — 2018” спорт мусобақаларининг вилоят босқичи ғолибларини тақдирлашга бағишланган тадбир бўлиб ўтди.

Мусобақанинг саралаш босқичларида 238 минг 796 нафар йигит-қиз ишти-рок этди.

— “Умид ниҳоллари” спорт мусобақасида 19 нафар ўқув-чимиз муваффақиятли қатна-шиб, жами 14 та олтин, 5 та бронза медални қўлга киритиш-

ди, — дейди Термиз шаҳрида-ги 12-Меҳрибонлик уйи тарбия-чиси Х. Шоимқулов. — Айни пайтда республика босқичида ҳам яхши натижаларга эришиш мақсадида машғулотларни бошлаб юборганимиз.

Яқуний натижаларга кўра, умумжамоа ҳисобида Денов

тумани ёшлари биринчи ўринни қўлга киритишди. Ғолиб жамоага Президенти-миз совғаси — “Damas” автомашинаси топширилди. Термиз шаҳри вакиллари иккинчи, кўмқўрғонлик ёшлар учинчи ўринга муносиб, деб топилди.

Истам ИБРОҲИМОВ,
Илҳом РАҲМАТОВ,
«Халқ сўзи» мухбирлари.

18 май — Халқаро музейлар кун

Ўтмиш ва келажақ ўртасидаги кўприк

Ўзбекистон Бадий академияси Халқаро маданият карвонсаройида Халқаро музейлар кунига бағишлаб ўтказилган археологик буюмлар кўргазмасига шундай таъриф бериш мумкин.

“Ўтмиш ва келажақ” деб номланган тадбирда давлат ва жамоат ташкилотлари вакиллари, олимлар, музейшунослар, профессор-ўқитувчилар, талаба-ёшлар, маданият, санъат илосмандлари ҳамда журналистлар қатнашди.

Кўргазманинг очилишида юртимизда музейлар фаолиятини янада тақомиллашти-риш, жумладан, уларни қадим тарихимиз ҳақида ҳикоя қилувчи нодир экспонатлар билан янада бойитиш, халқимиз, айниқса, ёшлар ўртасида кенг тарғиб этишга алоҳида эътибор қаратилаётгани таъкидланди.

Халқаро маданият карвонсаройи Камолитдин Бехзод номидаги Миллий рас-сомлик ва дизайн институти билан ҳамкор-ликда “Амалий санъат асарларини таъмир-лаш” факультети талабаларининг амалий машғулотларда иштирокини кенг йўлга қўйган. Кўргазмада ушбу машғулотлар жа-раёнида йигит-қизлар томонидан таъмирлан-ган сопол буюмлар, турли нақшлари қайта

тикланган уй анжомлари ва бошқа кўп асрлик тарихга эга топилмалар, ашёлар ҳам намойиш қилинди.

Қайд этиш жоизки, мазкур топилмалар Тошкент вилояти ҳудудидаги Қонқа ва Сурхондарё вилоятининг Кампиртепа, Дабилқўрғон ҳамда Мунчоқтепа тарихий ёдгорликларидан қазиб олинган.

Кўргазма доирасида ташкил этилган давра суҳбатига олимлар, профессор-ўқитувчилар томонидан археология ва реставрация жараёнининг муҳим масалалари муҳокама қилинди. Талаба-ёшлар йигилганларга ўз реставрация ишлари ҳақида маълумот берди. Бундай тадбирлар ўтмиш ва келажақ ўртасида кўприк бўлиб, ёш авлоднинг ўз Ватани тарихи билан фахрланиш, миллий қадриятларни асраб-авайлаш туйғуларини янада кучайтиради.

Дилшод КАРИМОВ,
«Халқ сўзи» мухбири.

Китоб жавонингизга

Файласуф Конфуций ҳақида шундай ҳикоят бор: у ёшлигида балиқчининг олдига борибди. Балиқчи унга балигидан тутқазибди. Шунда у балиқчига қараб, “Менга ёрдам бермоқчи бўлсангиз, балиқ берманг, балки тилишини ўргатинг. Шунда мен бу хунар билан оиламни боқаман, ундан ортса, қўшинларимга, ундан ҳам ортса, халққа бераман”, дебди.

Кластер иқтисодиётга нима беради?



Яқинда нашрдан чиққан “Кластер — интеграция, инновация ва иқтисодий ўсиш” китобини ўқиб чиксангиз, бу қимматнинг моҳиятини янада тереан англайсиз. Негаки, бугун тилимизга кириб атама — кластер янги келди. Унинг моҳиятини амалиётга биринчилардан бўлиб татбиқ этаётганлар нияёт-да яхши билишади.

Мазкур китоб муаллиф-ларидан бири Муртазо Раҳматов ташаббуси билан Бухоро вилоятида инновация лойиҳа — пахта-тўқимачилик кластери лойиҳа-си рўёбга чиқарилмоқда. Унга кўра, кластер тизими-да жами саккизта корхона фаолияти йўлга қўйилади. Пахта экишдан то тайёр махсулотгача бўлган жараё-ни ягона технология қан-жирга бирлаштирган ушбу мажмуалар соҳада инновация он иқтисодиётга ўти-шининг муҳим босқичи ҳисоб-ланади. Бунда илм-фан, таълим ҳамда ишлаб чиқариш интеграцияси чуқурла-шади, янги инновацион тех-нологияларни амалиётга жадал жорий этишга қўлай шароит яратилади.

Президентимиз ўтган йили Бухоро вилоятига қилган таш-рифи давомида “Бухоро қот-тон текстиль” қўшма корхо-наси ва кластер лойиҳаси билан танишиб, уни янада та-қомиллаштириш бўйича топ-шириқлар берган эди. Унга мувофиқ, лойиҳа янада му-каммаллаштирилди. Айни вақтда кластер тизимига Ромитан туманидан 8 минг гектар ер ажратилди. Илгари шунча майдонда атиги 436 киши меҳнат қилган бўлса, ҳозирги кунда улар-нинг сони 2 минг нафардан ошди. Ерга чигит қадалиб, ғўза ниҳоллари илгор агро-техника тадбирлари асосида парваришланмоқда. Лойиҳа-нинг бошқа йўналишларида ҳам ишлар изчил давом эттирилмоқда.

Давлатимиз раҳбарининг ўтган йили Қишлоқ ҳўжалиги ходимлари кунига бағишлан-ган тантанали тадбирда сўзлаган нутқидаги “...пахта-ни етиштиришдан тортиб, ун-дан тайёр махсулотни ишлаб чиқаришгача бўлган босқич-ларни ўз ичига қамраб олган кластер усулига биз Ўзе-бекистон пахтачилигининг кела-жаги сифатида қарамокда-миз”, деган фикрларидан илҳомланган амалиётчилар ушбу лойиҳа билан кенг жа-моатчиликни таништиришни мақсад қилди.

Айни вақтда кластер йўна-лиши иқтисодиётнинг барча тармоғи учун истикболли эканлигини намоён этмоқда. Шу маънода, муаллифлар — иқтисод фанлари доктори Муртазо Раҳматов ҳамда қишлоқ ҳўжалиги фанлари доктори, академик Бақриддин Зариповнинг мазкур рисола-си кластернинг моҳиятини англашда юр்தошларимиз учун муҳим қўлланма бўлиши мумкин.

Намоз БОТИРОВ.

Сирдарёлик тадбиркорлар Хитойга сафар қилишди

Сирдарё вилояти ҳокими Ғофуржон Мирзаев бошчилигидаги вилоят делегацияси хизмат сафари билан Хитой Халқ Республикасининг Чжэцзян провинциясида бўлди.

Турли ташкилотлар раҳбарлари ҳамда тадбир-корлардан иборат гуруҳ аъзолари сафар давомида иқтисодий кўрсаткичлари жиҳатидан Хитойда тўртин-чи ўринда турувчи мазкур провинциянинг бир нечта туман ва шаҳарлари, компа-ния ҳамда ишлаб чиқариш корхоналарига ташриф буюришди. Худудларнинг масъул раҳбарлари иштиро-кида ишбилармонлар билан учрашувлар ўтказилди.

— Сафар мобайнида хитойлик ҳамкорлар билан

205 миллион АҚШ долларии-лик 15 та шартнома имзоланди, — дейди Сир-дарё вилояти ҳокимининг

Интилиш

инвестициялар, инновация-лар, хусусийлаштирилган корхоналарга кўмаклашиш, эркин иқтисодий ва кичик саноат зоналарини ҳамда ту-ризмни ривожлантириш ма-салалари бўйича ўринбоса-ри Аваз Ходжиев. — Бундан ташқари, қишлоқ ҳўжалиги,

ярашиб берилаётган қулай-ликлар, солиқ ҳамда божхо-на имтиёзлари, инвестиция қиритиш, шунингдек, мавжуд иқтисодий имкониятлар тақдими ҳам ўтказилди.

Яқунда Ўзбекистон ва Россия ишбилармонлари ўртасидаги савдо алоқалари-ни янада ривожлантиришга оид келишувлар имзоланди. Бизнес форумида Ўзе-бекистон Республикаси Бош вазирининг ўринбосари Н. Отажонов сўзга чиқди.

Раҳим ШЕРҚУЛОВ,
«Халқ сўзи» мухбири.

МУЛОҚОТ — МУАММОЛАРНИНГ САМАРАЛИ ЕЧИМИ

Норин туманида “Ёшлар — келажақ бунёдкори” Давлат дастурини амалга ошириш, жойларда аҳоли билан очиқ мулоқот ўтказиш орқали мавжуд муаммоларни тезкорлик билан ҳал қилиш масаласи бўйича республика ишчи гуруҳи фаолият кўрсатмоқда.

Айтиш керакки, 155 минг аҳолининг 60 фоиздан зиёди ёшлар бўлган мазкур туманда йигит-қизлар бандлигини таъминлаш бугуннинг муҳим масалаларидан биридир. Айниқса, олис қишлоқларда ишсиз ёшлар кўпчиликини ташкил этади. Шундан келиб чиқиб, ишчи гуруҳи ушбу масалани чуқур ўрганишга алоҳида эътибор қаратмоқда. Дастлабки уч куннинг ўзида 50 нафар ёш ишга жойлаштирилди. 36 кишига эса янги меҳнат жамоаларига йўлланмалар берилди.

ТАШАББУС

Бизнес юритишни мақсад қилган, бироқ бу борада муаяян тажрибага эга бўлмаган, бошлан-гич сармоа масаласида ёки ишлаб чиқаришни ташкил этиш учун бино, ер участкаси олишда муаммога дуч келаётган ёшлар Норинда ҳам топилади. Шу боис белгиланган тартибда имтиёзли кредитлар ажратиш ҳамда ёш тадбиркорларни қўллаб-қувватлаш юзасидан тар-ғибот лойиҳаси доирасида жами 120 дан ортиқ очиқ мулоқотлар ўтқа-зилди. Учрашувларда 153 фуқаро-дан ишбилармонлик фаолияти учун кредит олиш масаласида муурожа-ат келиб тушди. 24 кишига қисқа вақт ичида 205,5 миллион сўмлик кредитлар ажратилди. Масалан, Яйдоқ қишлоғида яшовчи Илҳом Саидхамолов ёғочни қайта ишлаш ва ўймакорлик фаолиятини йўлга қўйишни режалаштирган. Бироқ бошлангич сармоанинг йўқлиги унинг ўз лойиҳасини амалга оши-ришга тўсқинлик қилаётганди. Касб-ҳўнар коллежини битираётган йигит энди тижорат банкидан 17 миллион сўм кредит маблағи олади.

Хусусий тадбиркорлик билан шу-

ғулланаётган бир қатор ёшларнинг ишлаб чиқаришни ривожлантириш билан боғлиқ муаммолари ҳам ишчи гуруҳи кўмағида ўз ечимини топти.

— Бир неча йилдан буён куён-чилик ҳамда паррандачилик билан шуғулланиб келяпман, — дейди “Омадбек Бўстон” фермер ҳўжали-ги раҳбари Темурубек Мўминов. — Россия ва Қозоғистондан олиб келинган зотли қўёнлар ҳам тез кўпаяди, ҳам тез семиради. Афри-қанинг “Цесарка” зотли ёввойи паррандасидан тўртта бор. Энди туякуш ҳам бокмоқчиман. Аммо жо-ниворларни парваришладан, озуқа-сини етиштириш учун ер керак эди. Мазкур муаммо ишчи гуруҳ томо-нидан ҳал этиб берилди. Менга бир гектар ер ажратиладиган бўлди.

“Норин қалдирғочи” хусусий кор-хонаси болалар аравачалари, кич-кинтойлар учун мебеллар тайёрла-шга ихтисослаштирилган. Тад-биркорлик субъекти бундан бир неча йил аввал ўзи тайёрлаган мил-лий бешиклар билан экспортга чиқ-қанини кўпчилик яхши эслайди. Аммо ишлаб чиқариш майдони йўқлиги боис ушбу жамоа қатор

муаммоларга дуч келмоқда. Хусусан, ижарага олинган жой анча тур. Шароитни қўрган ишчи гуруҳи маҳаллий ҳокимият билан кенга-либ, туман марказидаги фойдала-нимлай турган бинони корхонага бериш масаласини кун тартибига қўйди. Ҳаққулобод шаҳридаги яна бир бўш турган бино мебелсозлик билан шуғулланиб келаётган унга яқин хунармандларга “ноль” харид қийматида бериладиган бўлди.

Юқори Чўжа маҳалласидаги уч-рашувда хусусий тадбиркор Элёр Олимов тасаруфидга ўнлаб тикув машиналари борлиги, бироқ буюрт-мачи ҳамкор топишга қийналаётга-нини айтиб, махсулотлари намуна-сини кўрсатди.

— Мана, биз сизга ҳамкор бўла-миз, — деди Ўзбекистон ёшлар иттифоқи Марказий Кенгаши раи-си Қаҳрамон Куронбоев. — Бошла-нишга Наманган вилоятидаги тенг-дошларингиз учун минг донга фут-болка тикиб беринг. Кейин навбат-да буюртмаларни оласиз.

11 май куни Ҳаққулобод ёшлар боғида Ўзбекистон Республикаси Бандлик ва меҳнат муносабатлари вазирлиги, Ўзбекистон ёшлар

иттифоқи ва Норин тумани ҳоким-лиги ҳамкорлигида “Ёшлар — ке-лажақ бунёдкори” шиори остида ташкил қилинган бўш иш ўринлари ярмаркасида иштирокчиларнинг а-сарияти доимий меҳнат жойига эга бўлишди. Ушбу тадбирда Учқўрғон ҳамда Норин туманлари ва Наман-ган шаҳрида фаолият юритаётган 230 га яқин корхона ҳамда ташки-лотлар, тадбиркорлик субъектлари 3000 дан ортиқ бўш иш ўринлари-ни тақдим этишди. Пировардида 1408 нафар йигит-қизга ишга жой-лаштириш учун йўлланмалар бери-лди. Шунингдек, ярмаркада 8 та ти-жорат банки томонидан кредит олиш истагида бўлган 248 нафар фуқаро рўйхатга олинди. Бундан ташқари, чет элда ишламоқчи бўлган 61 кишига Ташқи меҳнат миграцияси масалалари агентлиги Наманган вилояти филиали томо-нидан ташкилий равишда вақтин-чалик меҳнат фаолиятини амалга ошириш бўйича маслаҳат берилди.

“Обод кўнгил” лойиҳаси доира-сида ҳам таъминланган оилалар фарзандлари ҳамда ички ишлар профилартик ҳисобида турувчи ёшлардан 85 нафари Тўрақўрғон ту-манидаги “Исҳоқхон тура Ибрат” мажмуасига саёҳатга олиб борилди.

Ўзбекистон ёшлар иттифоқи Марказий Кенгаши томонидан тақ-дим қилинган яна бир лойиҳа ту-ман ёшларининг ахборотга бўлган эҳтиёжини тўлароқ қондиришга йўналтирилганлиги билан аҳамият-га молик. Гап шундаки, бу ерда иш

бошлаган “Ёшлар почтаси” тармоғи фаолиятини Кенгаш молиявий жи-ҳатдан қўллаб-қувватлайдиган бўлди. 10 нафар хабарчиға бепул велосипед тақдим этилди. Энди улар “Халқ сўзи” ва “Ёшлар овози” газеталари, “Дугоналар” ҳамда “Ёш куч” журналларининг туман аҳли учун расмийлаштирилган бепул нус-халарини тезкорлик билан жойлар-га етказишади.

— Норинда эсаётган ўзғариш-шаомллардан ҳамма хурсанд, — дейди Республика Маънавият ва маърифат маркази туман бўлинма-си раҳбари Раҳима Расулова. — Давлатимиз томонидан кўр-сатилётган гамаҳўрлик ва эътибор-га жавобан аҳолининг ташаббускор-лиги, ҳудуд тараққиётига масъули-яти ортапти. Маҳалласи ободлиги йўлида фидойилик кўрсатаётганлар ибрати бунга мисол. Жумладан, ҳаққулободлик тадбиркор Даврон Зайлободиев туман марказида-ги богда аквапарк қуриш тақлифи билан чикди. Икки нафар иш-билармон эса ўзи яшаётган ҳудудда кутубхона ташкил қилмоқчи.

Ишчи гуруҳининг туман қишлоқ-ларидаги фаолияти давом этапти. Бу ерда амалга оширилаётган лойиҳалар самараси эса норинлик ёшлар ҳаётини янада яхшилаш, уларнинг бугунидан рози бўлиши-ни таъминлаш ҳамда эртанги кунга ишончини оширишга хизмат қилмоқда.

Қудратилла НАЖМИДИНОВ,
«Халқ сўзи» мухбири.



«ДЎСТЛИК» ОРДЕНЛИ НАВОЙИ КОН-МЕТАЛЛУРГИЯ КОМБИНАТИНИНГ КЎП МИНГ КИШИЛИК ЖАМОАСИ

республикадаги турдош корхоналар
меҳнат аҳлини

Ўзбекистон Республикаси кончилик ва металлургия саноати ҳодимлари кўни

муносабати билан қизгин муборакбод этади.

Анзанавий касб байрами шодиёналари
нишонланаётган кўнда сизларга сўхат-саломатлик,
бахт-саодат, хонадонларингизга
улкан муваффақиятлар тилайди!



Азиз ҳамкасблар!

Олмалик кон-металлургия комбинати жамоаси

Сизларни

Ўзбекистон Республикаси кончилик ва металлургия саноати ҳодимлари кўни билан қўтлайди!



Ватанимиз равнақи,
юрт иқтисодийти ривожини йўлидаги
сермаҳсул фаолиятингизда сизларга
сўхат-саломатлик, фаровонлик,
бахт саодат тилайди.
Нуроний отахон онахонларимизнинг
дуолари, фидойи юрtdошларимизнинг
интилишлари, сергайрат ёшларимизнинг
шижоатлари ила тараққийга
юз тўтган йлкамиз ривожланиб,
янада қўллаб-яшнасин!



«Ўзбекистон металлургия комбинати» АЖ ва «SFI Management Group» МЧЖ ХК жамоалари

республикадаги корхона ва ташкилотлари меҳнат жамоаларини касб байрами —

Ўзбекистон Республикаси кончилик ва металлургия саноати ҳодимлари кўни билан самимий муборакбод этади!

Меҳнатингиз мамлакатимизнинг иқтисодий барқарорлигини
мустаҳкамлашга ва халқимиз фаровонлигининг ошишига
хизмат қилади. Сизга ва оилаларингизга мустаҳкам соғлиқ,
оилавий бахт, омад ҳамisha ёр бўлсин!

Қўллаб-яшнаётган Ўзбекистонимизнинг
ривожланиши йўлида қилаётган улкан
бунёдкорлик ишларингизга зафарлар
тилайди!



«RESPUBLIKA MULK MARKAZI» МЧЖ

Бошлангич баҳоси босқичма-босқич ошиб
бориш тартибида ўтказиладиган очик аукцион
савдосига таклиф этади.

Аукцион савдосига «Магнит» давлат корхонасига
тегишли, Тошкент вилояти, Охангарон тумани саноат
ҳудудида сақланаётган қуйидаги автотранспорт воси-
талари қўйилмоқда:

● 2005 йилда ишлаб чиқарилган, давлат рақами
10/233НАА, техник носоз бўлган «Дамас ZBB VAN»
русумли.

Бошлангич баҳоси — 21 481 000 сўм.

● 1988 йилда ишлаб чиқарилган, давлат рақамисиз,
техник носоз бўлган «ЭО-3322» русумли экскаватор.

Бошлангич баҳоси — 22 483 000 сўм.

Аукцион савдоси 2018 йил 19 июнь кўни соат
11.00 дан бошлаб ўтказилади. Аризалар иш кўнлари
соат 10.00 дан 16.00 гача қабул қилинади (соат
13.00 дан 14.00 гача тушлик вақти). Аризаларни қабул
қилишнинг охири мўддати — 2018 йил 15 июнь кўни
соат 18.00 гача.

Савдо қолиби деб топилган шахсга 10 банк кўни
ичида сотувчи билан олди-соти шартномаси тузиш
мажбурияти юклатилади. Савдода қатнашиш учун ариза,
закалат пули тўланганлиги ҳақидаги тўлов ҳужжати
нўсхаси, вакиллар учун ишончнома тақдим этилади.

Талабгорлар савдо ташкилотчиси билан тузиладиган
закалат қелишувига асосан, мулк бошлангич баҳосининг
10 фоизидан кам бўлмаган миқдордаги закалат пулини
«Respublika mulk markazi» МЧЖнинг «Давр банк» ХАТБ
Олмозор филиалидаги қўйидаги ҳисоб рақамига
тўлашлари шарт: 22604000200571452001, МФО: 01121,
СТІР: 200933850.

Аризаларни қабул қилиш
ва савдо ўтказиш манзили: Тошкент шаҳри,
Олмозор тумани, 1-Қорақамиш кўчаси, 1-«А» уй.
Телефон: (0-371) 228-79-52.

Гувоҳнома № 001805.

Ўзбекистон қирғиз миллий маданий маркази жамоаси таниқли олим,
таржимон ва марказ кенгаши аъзоси

Сўюн ҚОРАЕВНИНГ

вафоти муносабати билан марҳумнинг оила аъзолари ва яқинларига чуқур
таъзия изҳор этади.

Халқ сўзи Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан
рўйхатга олинган. Нашр индекси — 229. Буюртма Г — 545. 112 922 нўсхадан босилди,
ҳажми — 2 табоқ, Офсет усулида босилган. Қўғоз бичими А—2. Баҳоси қелишилган нархда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона (0-371) 233-52-55;
Котибият (0-371) 233-10-28; Ўқонлар (0-371) 232-11-15.



Таҳририятга келган қўлабмақаллар тақриз қилинмайди ва
муаллифга қайтарилмайди.

Газетанинг сўзаси берилиши учун обунани
расмийлаштирган ташкилот жаобгар.

Газета таҳририят компьютер марказида терилиш ҳамда оператор
Ж. Тоғасев томонидан саҳифаланди.

Газетанинг полиграфик жиҳатдан сифатли чоп этилишига

«Шарқ» нашриёт-матбаа акциядорлик компанияси масъул.

Босмахона телефони: (0-371) 233-11-07.

• МАНЗИЛИМИЗ:

100000,

Тошкент шаҳри,

Матбуотчилар кўчаси, 32-уй.

Навбатчи муҳаррир — У. Файзиева.

Навбатчи — Д. Каримов.

Мусахҳах — С. Исломов.

«Шарқ» нашриёт-матбаа акциядорлик компанияси босмахонаси. Корхона манзили:
«Буюк Турон» кўчаси, 41. ЎзА якуни — 03.50 Топширилди — 05.15 1 2 3 4 5 6

МУАССИСЛАР:
Ўзбекистон Республикаси Олий Мажлиси
Конунчилик палатаси Кенгаши, Ўзбекистон Республикаси
Олий Мажлиси Сенати Кенгаши ва
Ўзбекистон Республикаси Вазиirlар Маҳкамаси